

PENGHARGAAN

Segala puji bagi Allah SWT, Tuhan semesta alam atas segala nikmat, kurnia, dan taufik-Nya yang telah mengizinkan kita menjadi khalifah-Nya di muka bumi ini. Doa dan keselamatan sentiasa terpanjatkan ke atas Baginda Rasulullah SAW -- Pesuruh Allah SWT dan Pembimbing manusia menyembah Allah SWT, kaum keluarga, para sahabat, para tabiin dan seluruh umatnya yang mengikuti jalan dan sunnahnya.

Setinggi-tinggi penghargaan kepada penyelia pertama bagi terealisasinya kajian ini, yang berbahagia Prof. Madya Dr. Suwaid Tapah yang telah membimbing dan memberikan pertimbangan pemikiran dan ide bernasnya selama lebih dari empat tahun, bermula dari Januari 2004 hingga Februari 2008. Komitmen Beliau bagi memastikan kajian ini berkualiti dan berguna bagi umat Islam menjadi motivasi tersendiri bagi saya untuk memberikan yang terbaik bagi menghasilkan kajian yang diharapkan.

Tidak lupa juga penghargaan yang sama saya rakamkan kepada penyelia kedua, yang berbahagia Prof. Madya Dr. Raihanah Hj Abdullah bermula April 2008 hingga selesainya kajian ini. Rugi rasanya, peluang untuk berguru dan menimba ilmu tidak dapat saya pergunakan dengan baik. Boleh dihitung jari saya berjumpa dan berguru dengan beliau. Tetapi masa yang sedikit itu telah memahatkan satu pesanan yang teramat berharga bahawa, selagi ada waktu dan peluang, gunakanlah sebaik yang terdaya. Tidak sepatutnya tugas yang boleh diselesaikan hari ini ditunda. Dengan semangat itulah kajian ini dapat dirampungkan pada waktunya.

Kupersembahkan kajian ini untuk Hj Halid Romli dan Hjh Salmijah Pawi, Rama dan Emak yang telah membesarkan, mendidik, membimbing saya dengan tanpa kenal lelah sehingga ke hari ini. Do'a keduanya tak pernah berhenti untuk kebahagiaanku dunia akhirat. Ya Allah rahmati keduanya, sejahterakan dan kekalkan keduanya dalam nikmat Iman dan Islam. Golongkanlah ibubapa kami menjadi penghuni surgaMu. Berikan peluang kepada hambaMu ini berbakti dan sentiasa mendoakan keduanya. Amin.

Yang sentiasa di hati, isteriku tercinta, Kholis Isna Ena Khasanah, bersamaku dalam suka dan duka, dalam senang dan susah. Memberikan semangat saat ku tak bermaya, memberikan inspirasi saat ku buntu. Tempat ku menajamkan analisa dalam perbincangan yang hangat, tempat ku berkongsi mencari keyakinan akan analisa dan dapatanku. Hanya kepada Allah ku panjatkan semuga ridha Allah sentiasa bersamanya dan syurga Allah sebagai balasannya. Amin.

Biarlah kajian ini menjadi pelecut semangat bagi --amanah Allah, anak-anakku yang tersayang untuk menjadi pencinta ilmu, pengkaji yang hauskan temuan dan dapatan kajian yang bermanfaat, dan pengabdikan kepada tersebarnyanya ilmu Allah di muka bumi ini.

Kurakamkan terimakasihku kepada adik-beradikku. Kakakku tertua yang telah memperkenalkanku dengan lingkungan yang dipenuhi dengan ketakwaan, membimbing dengan penuh kesabaran, mengajarku Bahasa Arab dan disiplin ilmu Islam. Menjadi kakak sekaligus ibu saat ku memulai pengembaraan mencari ilmu di

bumi Para *Anbiyā'* Mesir. Adikku satu-satunya yang sentiasa terngiang-ngiang dalam benakku pesan tersiratnya: "*Bang! Master saya sudah selesai, kajian Abang bila pula*"? Begitu juga dengan Abang dan Kakakku yang kedua, yang sentiasa menjadi pemangkin bagi terealisasinya kajian ini. *Syukran Jazīlan!*

Madrasah Al-Irsyad Al-Islamiah –tempat saya mengabdikan ilmu, yang telah memberikan segala kemudahan dan kelelasan bagi terlaksananya kajian ini. Semuga ilmu yang kudapat boleh menyumbang bagi mewujudkan Al-Irsyad sebagai institusi pendidikan Islam yang ulung di Singapura, rantau ini dan dunia. *In syā'a Allah.*

Presiden dan kakitangan Mahkamah Syariah yang telah memberikan izin kepada saya bekerja di bawah jagaan mereka bagi mempelajari, mengumpul data dan membuat analisa ke atas kes-kes harta sepencarian yang dirujuk ke Mahkamah. Khasnya Ustaz Abdul Jalil Abdul Razak, Pengantara Senior Mahkamah, sebagai pembimbing selama saya *attachment* di sana. Juga pegawai di Lembaga Rayuan Syariah yang telah memberikan fasilitinya untuk mendapatkan fail kes-kes bagi keperluan kajian ini.

Tak lupa teman-temanku, baik di Singapura ataupun di Kuala Lumpur yang telah banyak membantu memudahkan segala urusan administrasi pengajian di UM dan keperluan bahan-bahan kajian dan buku-buku rujukan.

KAEDAH TRANSLITERASI

Penulisan ayat-ayat atau kata-kata dari Bahasa Arab ke dalam huruf Rumi, merujuk kepada pedoman transliterasi yang diterbitkan oleh Dewan Pustaka dan Bahasa. Iaitu buku Pedoman Transliterasi Huruf Arab ke Huruf Rumi. Cetakan ke II Tahun 1998.

Pedoman transliterasi itu adalah seperti pada muka surat berikut:

TRANSLITERASI

HURUF ARAB	HURUF RUMI	HURUF ARAB	HURUF RUMI
ا	A	ط	Ṭ
ب	B	ظ	Ẓ
ت	T	ع	‘
ث	TH	غ	GH
ج	J	ف	F
ح	Ḥ	ق	Q
خ	KH	ك	K
د	D	ل	L
ذ	DH	م	M
ر	R	ن	N
ز	Z	و	W
س	S	هـ	H
ش	SY	ء	’
ص	Ṣ	ي	I, Y
ض	Ḍ		
ة	T	ketika dihidupkan bunyinya	
ة	H	ketika dihentikan bunyinya	

VOKAL PENDEK	VOKAL PANJANG
َ----- = a	ا----- = ā
ِ----- = i	ى----- = ī
ُ----- = u	و----- = ū

DIFTONG

أَوْ	=	aw
أَيَّ	=	ay
يَاءٍ	=	iy/ī
وَاءٍ	=	uww